

越城縣廣勝寺



大序新譯三藏聖教序

太宗神功聖德文武皇帝製

大矣哉我佛之教也化導羣迷闡揚宗性廣博宏辯英彥莫能究其旨精微妙說庸愚豈可度其源義理幽玄真空莫測包括萬象譬喻無垠綜法網之紀綱演無際之正教拔四生於苦海譯三藏之祕言天地變化乎陰陽日月盈虧乎寒暑大則說諸善惡細則比於恒沙合議萬端弗可盡述若窺像法如影隨形離六情以長存歷千劫而可久須彌納藏於芥子如來坦蕩於無邊遠磨西來法傳東土宣揚妙理順從指歸彼岸菩提愛河一生滅用行於五濁惡趣拯溺於三業途中經垂世以難窮道無私而永泰雪山具葉若銀臺之耀目歲月煙蘿起香界之自遠巍巍淨測杳杳難名所以道資十聖德被三賢至道起於乾元衆妙生乎太易惚恍形類叢疊昏明絕彼是非開茲蒙昧有西域法師天息災等常持四忍早悟三乘翻貝葉之真詮續人天之聖教芳猷

萬說論卷之一 第三

運偶昌時潤五聲於文章揚四始於風律堂堂容止穆穆輝華曠劫而昏墊重明玄門昭顯軌範而彌光妙法淨界騰音利益有情俱登覺岸無成部礙救諸疲羸冥昧慈悲浩汗物表天仗貪假啓滌昏愚演小乘聲聞合其儀論大乘正覺立其性合靈悟而蒙福藏教缺而重興幻化迷途火宅深喻雖設其教不知者多善念生而無量潛臻惡業興而隨緣皆墮調御四衆積行十方澍華雨於金輪護恒沙於三闕有頂之風不可壞無際之水弗能漂澄寂湛然圓明清淨之智慧性空無染妄想解脫之因緣可以離煩惱於心田可以得清涼於宇宙朕慙非博學釋典微開豈堪序文以示來首如繁瑩燭火不足比之於茲日將微蠶蠶量海未能窮盡於深淵者哉

總作聖教序

真宗文明三章聖元孝皇帝製

高明摩分三辰方乃序其次厚載初定萬彙於以發乎端清濁之體既彰善惡之源是顯然後以文物立其教

以正典化其俗利益之功同歸於理於是乎像法來於西國真諦流於中夏洞貫千古真實之理無以窮盡括九圍玄妙之門莫能究言乎妄想則五蘊皆空現乃真容則一毫圓滿廣大之教豈能紀述者哉伏觀

太宗神功聖德文武皇帝法性周圓仁慈普布化靈類則萬邦輻湊濟蒸民於仁壽之鄉崇教法則四海雲從惠蒼生於富庶之域見尊經之浩汗設方便以救沉淪知法界之恢宏行精進而攝懈怠乃擇其遠宇校彼真文命天竺之高僧譯貝多之佛語象管翻成於金字珠編復置於琅函龍宮之聖藻惟新就為嶺之苾芻仰歎由是三乘共貫四諦同圓盡苦空具正之言顯秘密精研之義讚相相乎實相論空空乎盡空華嚴之理合軌轍金像之教同規矩朕續嗣丕構恭臨寶圖常翼翼而撫兆民每兢兢而守先訓以至釋典尤未精詳諒其幽深曷能探測有譯經西域僧法賢奏章

懇切致意專勤以先皇帝大闢真風高傳佛旨與前王之墜典振覺路之頹綱欲旌天造之功庸用廣

聖文之述作請予製表序繼聖教焉目聖考上僊追號罔息政事之外何暇經心今已禪除思臻微奧雖幼承慈誨奈夙乏通才焉窮乎法海之津涯莫造乎空門之闡域略敷大意以徇輿情蹄涔不足擬洛日之波尺圭豈能量昊天之恩聊述短序以紀聖功者焉

施設論卷第一

西天譯經三藏聖教目錄卷第一 寶壽寺

對法大論中世間施設門第一 釋論有土門并本元明

對法大論中因施設門第二

論中問曰有何所因轉輪聖王所有女寶妙色端嚴眾所樂見超人狀貌如天色相若轉輪聖王彼女寶者往昔修因其事廣大能以清淨諸物布施所謂清淨眾莊嚴具并餘飲食衣服塗香栴香床座舍宇及燈明等以如是因故輪王女寶妙色端嚴眾所

樂見超人狀貌如天色相

又問何因輪王女寶不白不黑膚色中均不長不短不肥不瘦身分亭亭若彼女寶者往昔修因其事廣大能行布施謂以諸色香味皆具足者飲食等物自手持奉起無慢心行於市施以如是因故所有女寶不白不黑膚色中均不長不短不肥不瘦身分亭亭等

又問何因輪王女寶寒時溫暖適意快樂若彼女寶者往昔修因其事廣大謂若有時冬際嚴凝大風吹擊境色極寒人所惶畏女寶是時於其父母知識及師尊所并餘沙門婆羅門眾不生惱害而復愛樂不惱害者即以溫暖事用所攝所謂衣服卧具塗香栴香床座舍宇爐炭火具并餘溫暖應用等物廣行布施以如是因故輪王女寶寒時溫暖適意快樂又問何因輪王女寶熱時清涼適悅快樂若彼女寶者往昔修因其事廣大謂若有時熱際炎燠日光熾逼隨熱生蟲人極增惱女寶是時於其父

施設論卷第一 第六張 定字序

母知識及師尊所并餘沙門婆羅門
衆不生惱害而復愛樂不惱害者即
以清涼事用所攝謂持衣服卧具塗
香抹香牀座舍宇承足寶机寶嚴環
釧多摩羅香及多羅香所成衆具并
餘應用等物廣行布施以如是因故
輪王女寶熱時清涼適悅快樂

又問何因輪王女寶身諸毛孔有旃
檀香口中常出優鉢羅花香答彼女
寶者往昔修因其事廣大謂於父母
知識及師尊所并餘沙門婆羅門衆
不生惱害而復愛樂不惱害者即以
沉水薰陸鬱金多摩羅等及餘上妙
諸香廣行布施以如是因故身諸毛
孔有旃檀香口中常出優鉢羅花香
又問何因輪王女寶侍從轉輪聖王
先起後坐不失規儀隨何所作悉能
承奉勤力無慢而復愛語答轉輪聖
王於長時中隨所作用善業增長長
養成熟現前勝報以如是因故便感
女寶愛語承順

又問何因輪王女寶能令轉輪聖王
恍惚稱願然無染心況乎身語無不

施設論卷第一 第七張 定

調柔答轉輪聖王具大威德於彼彼
衆生曾無異心超人意表以如是因
故所感女寶悅意稱願然無染心

又問何因輪王女寶王欲行時或坐
立時而悉先知即向王前作是白言
使哉聖王所欲行邪或坐立邪悉當
隨從答彼女寶者往昔修因其事廣
大謂具慈心於欲界中觀諸衆生於
義所欲於利所欲及安樂欲或若衆
生起無利欲不安樂欲悉起慈心慈
眼觀視以如是因故輪王女寶於王
進止而悉先知

又問何因輪王女寶超勝世間常品
女人如星中月答彼女寶者往昔修
因其事廣大謂自不殺生復教他人
持不殺戒自不偷盜不邪淫不妄語
不飲酒復教他人一一修持以如是
因故輪王女寶超勝諸女如星中月
又問何因輪王女寶不乳產邪答一
切女人共所病者謂即胎藏乳產之
苦彼女寶者於長時中少病少惱作
諸善業長養成熟現前勝妙果報克
成以如是因故輪王女寶而不乳產

施設論卷第一 第八張 定

又問何因輪王女寶先於輪王而趣
命終答彼女寶者修諸善業長時不
斷現前勝妙果報克成以如是因故
輪王女寶先於轉輪聖王而趣命終
又問何因輪王女寶於諸女中獨得
生天答彼女寶者本性賢善而復廣
修十善業道以如是因故輪王女寶
於諸女中獨得生天

又問何因轉輪聖王得有主藏臣寶
答轉輪聖王往昔修因其事廣大謂
若有時極寒極熱王於彼等寒熱時
中於其父母知識及師尊所及餘沙
門婆羅門衆不生惱害而復愛樂不
惱害者隨時應用妙好醫藥及所愛
樂上味飲食并餘所須承事供給彼
等受已身無不潔衣無不覆於晝夜
中常受快樂以如是因故轉輪聖王
而能獲得主藏臣寶彼主藏臣寶者
大富自在廣多眷屬庫藏珍寶財穀
豐盈受用增積善業報生而具天眼
能見伏藏若有主宰若無主宰若水
若陸若近若遠來詣轉輪王所乃至
種種豐足供給勤力無倦恭白王言

天子所須財寶等事悉能奉上過去
 一時有轉輪聖王意欲試驗主藏臣
 寶即命寶船涉水游行乃召主藏臣
 寶而謂之曰汝今宜應以財寶等供
 我所須時主藏臣寶白彼轉輪聖王
 言聖王就岸我當奉上王之所須若
 不就岸事應難作時王即當迴以寶
 船安泊岸側彼主藏臣寶前詣王所
 右膝著地肅恭嚴奉作潔淨已二手
 捧持四金所成上妙寶瓶滿盛眾寶
 獻奉王前自言聖王受我所奉上妙
 眾寶即說頌曰
 清陰細雨從天降 俯近炎天盛夏時
 舉以眾寶奉輪王 及施餘諸貧賤者
 彼等受已皆快樂 巧者咸生歡喜心
 由斯業報廣無窮 獲得最勝大財富
 有大神力具天眼 當為轉輪聖王尊
 又問何因主藏臣寶獲得大富廣多
 庫藏受用增積答主藏臣寶往昔修
 因其事廣大謂能布施一切沙門婆
 羅門眾諸貧窮者諸往來者諸乞丐
 者授以飲食衣服花鬘塗香油座舍
 宇燈明等物以如是因故主藏臣寶

獲得大富廣多庫藏受用增積
 又問何因主藏臣寶勝業報生能具
 天眼於諸伏藏若有主宰若無主宰
 若水若陸若近若遠而悉觀見答主
 藏臣寶往昔修因其事廣大謂於父
 母知識及師尊所并餘沙門婆羅門
 眾不生惱害而復愛樂不惱害者又
 於世間普為一切癡黑暗冥作光明
 照授與燈明及然燈具破諸冥暗悉
 使明亮以如是因故主藏臣寶勝業
 報生能具天眼水陸遠近悉見伏藏
 復次頌曰
 飲食衣服花鬘等 往昔曾興清淨心
 自手持奉開施門 復以燈明照諸暗
 得為主藏大臣寶 近侍名稱轉輪王
 廣多富盛具大財 能獲天眼見伏藏
 又問何因轉輪聖王得有主兵臣寶
 答轉輪聖王往昔修因其事廣大謂
 於父母知識及師尊所并餘沙門婆
 羅門眾不生惱害而復愛樂不惱害
 者於諸昏黑暗冥作光明照施以燈
 具悉使明亮以如是因故轉輪聖王
 得有主兵臣寶彼主兵臣寶者聰敏

明利善喻善察智慧具足至於王所
 以現世事正法義利輔贊於王於作
 世事正法義利亦悉輔贊於兵眾中
 知其王意存者存之去者去之不勞
 王力亦復不假四兵運用無使疲懈
 而彼一切自然歸伏
 復次頌曰
 世間昏黑暗冥者 普作燈明為照曜
 施諸燈具及光明 悉使廣大皆明亮
 又於父母及知識 并餘沙門婆羅門
 廣作燈明普照明 咸得破暗而煥曜
 由斯善業施安樂 并餘善作諸勝事
 輪王以此勝報因 獲得大智主兵寶
 又問何因主兵臣寶聰敏明利善喻
 善察具有智慧答彼主兵臣寶往昔
 生中昔因建立乃至極遠生生之前
 已盡已滅得為人時於諸沙門婆羅
 門聰敏明利具有智慧善伺察者故
 往親近恭敬請問何者是善何者不
 善何者有罪何者無罪何者所作當
 得勝上離諸罪業隨所聞已依法修
 行常善伺察常善思惟若事若因勤
 求請益作拯拔事行普救因增極恪

轉法輪經卷第一 第三

志逼切而行以如是因故聰敏明利
具有智慧

復次頌曰

往昔親近諸智者 勤求伺察眾善因
發起最上利益心 於一切處無疲倦
至兵臣寶由斯力 今得聰敏具智明
迎疾發興精進心 今為輪王王女寶
對法大論中因施設門第三

總說頌曰

轉輪聖王而具有 輪寶象馬并珠寶
女寶主藏及至兵 長壽無病具色相
適意自在復多子 廣如第三蘊中說
如論中說轉輪聖王即同如來應供
正等正覺

復次頌曰

如論所說轉輪王 即同無上大法王
於此大地境界中 轉大法輪作善利
以彼轉輪聖王者 應觀即同佛如來
咸起悲心愍世間 廣利一切大寂然
如轉輪聖王有輪寶者應知即同如
來應供正等正覺出現世間所說聖
八正道法以佛所說八正道者能破
世間一切煩惱於諸法中得無障礙

轉法輪經卷第一 第十三

復次頌曰

轉輪聖王輪寶者 於此大地能摧伏
如佛開演八正門 解除一切魔怨縛
如轉輪聖王有象寶者應知即同如
來應供正等正覺所說四神足法以
佛所說四神足者能破世間一切煩
惱於諸法中得無障礙

復次頌曰

轉輪聖王白龍象 曠空來往悉自在
如來神足亦復然 瞿曇名稱廣神化
如轉輪聖王有馬寶者應知即同如來
應供正等正覺所說四正斷法以佛所
說四正斷者能破世間一切煩惱於
諸法中得無障礙

復次頌曰

輪王青身妙馬寶 圓具調馴逆若風
如佛四正斷法門 速證無為寂靜果
馬相嚴好頭頂黑 而彼馬寶輪王乘
四正斷法亦復然 瞿曇名稱廣自在
如轉輪聖王有珠寶者應知即同如
來應供正等正覺天眼具足以佛如
來具天眼者隨諸眾生有所樂欲佛
以天眼悉能觀察

轉法輪經卷第一 第十四

復次頌曰

輪王瑠璃妙珠寶 普徧照曜悉光明
如來天眼亦復然 普徧觀照悉無礙
如轉輪聖王有女寶者應知即同如
來應供正等正覺喜覺支法

復次頌曰

轉輪聖王妙女寶 眾所樂觀復悅意
喜覺支法亦復然 瞿曇名稱善通悅
如轉輪聖王有主藏臣寶者應知即
同如來應供正等正覺四姓親近謂
刹帝利婆羅門吠舍首陀於佛世尊
現所恭敬持以飲食衣服及餘牀座
病緣醫藥奉上世尊

復次頌曰

如彼轉輪大聖王 最上大富具大財
瞿曇聖王大名稱 四姓恭敬亦如是
如轉輪聖王有主兵臣寶者應知即
同如來應供正等正覺具大勝慧以
佛大慧能破世間一切煩惱解除魔
縛於諸法中得無障礙

復次頌曰

主兵臣寶善伺察 復能決擇諸義利
如來大慧亦復然 解除魔怨諸結縛

如轉輪聖王壽命長遠久住世者應
知即同如來應供正等正覺久住世
間隨諸眾生所有願求悉令圓滿若
住一劫或過一劫是謂長壽轉輪聖
王正法化世住壽一劫亦復如是
如轉輪聖王少病惱者應知即同如
來應供正等正覺無諸損惱病苦
不生

復次頌曰

轉輪聖王少病惱 最上正法化世間
世尊大師具名稱 無病無惱常安樂
如轉輪聖王妙色端嚴具三十二大
丈夫相一切人眾傾渴瞻仰者應知
即同如來應供正等正覺三十二相
清淨圓滿一切眾生瞻仰無厭
復次頌曰

輪王正法化於世 相好端嚴眾樂觀
亦如世尊妙相嚴 最勝功德皆具足
如轉輪聖王眾所瞻觀生悅意者應
知即同如來應供正等正覺一切眾
生欣樂瞻仰觀者咸生適悅之心
復次頌曰
輪王正法化世間 見者咸生欣悅意

如來大師最上尊 眾生瞻觀皆欣慶
如轉輪聖王千子圓滿色相妙好勇
猛無畏善伏佗軍者應知即同如來
應供正等正覺善化一切眾生修行
得果勇猛無畏摧煩惱力趣真實道
復次頌曰

轉輪聖王有千子 勇猛無畏色相嚴
能摧佗軍具力能 正法真實而洽化
如來大師化眾生 悉使修行住果位
四向四果無畏尊 此等是謂八人地

施設論卷第一

校勘記

- 一 底本，金藏廣勝寺本。
- 一 七二頁中一行至次頁中一二行兩篇序文，〔南、徑、清無。〕
- 一 七二頁中一七行「具葉」，〔麗作「貝葉」。〕
- 一 七三頁中一四行譯者，〔徑、清作「宋西天三藏朝散大夫試光祿卿傳梵大師法護等奉詔譯」。卷二、卷三同。〕
- 一 七三頁中一五行夾注右「釋論有十一」，〔南、徑、清、麗作「按釋論有此」。〕
- 一 七三頁中二一行第六字「眾」，〔南、徑、清無。〕
- 一 七四頁下六行第一二字「而」，〔徑無。〕
- 一 七五頁上五行第一〇字「彼」，〔南、徑、清無。〕
- 一 七五頁上二二行「牀座」，〔南作「座」〕

座」。

一 七五頁中七行末字「又」，**碩**作「人」。

一 七五頁下三行「輔贊」，**碩**作「轉贊」。

一 七五頁下末行第五字「極」，**麗**作「極」。

一 七六頁上二二行第一〇字「正」，**徑**作「聖」。

一 七六頁中一九行「四正斷法」，**碩**作「如來四正」。

一 七六頁下五行至一〇行「喜覺……正覺」五十九字，**碩**、**南**、**徑**、**清**無。

一 七七頁中八行第四字「軍」，**碩**、**南**、**徑**、**清**作「勇」。



施設論卷第二

對法大論中因施設門第四

總說頌曰

二瑞相出現 作護胎無染 完具無欲心
 快樂及不坐 鹿皮以承接 七步觀四方
 語言并二龍 及阿難往事 天花與天樂
 林座捨莊嚴 受草見法衣 悲心現神化
 又問何因菩薩最初於兜率天宮歿
 已降母胎時一切大地皆悉振動
 龍威力故以諸龍王得聞菩薩大士
 大威德者兜率天宮歿已降神母胎
 乃從水中跳躍而出心生歡喜適悅
 慶快乘空盤旋往返游泳樂欲瞻觀
 菩薩聖相龍出水故水即大動以水
 動故大地振動又復菩薩決定當成
 如來應供正等正覺已勤為眾生宣
 說出要離生善法是故上鼓於風中
 搖於水下振於地此是菩薩先現瑞相
 又問何因菩薩最初從兜率天宮歿
 已降母胎時有大光明普照世界所
 有一切黑暗昏冥悉得明亮日月威
 光映蔽不現是時所有一切眾生蒙

光顯已互得相見咸作是言奇哉仁

者有異大士生此界邪答以菩薩大
 士大威德者最初從彼兜率天宮歿
 已降母胎時有欲色界諸天子眾聞
 其菩薩大威德者從兜率天降神母
 胎諸天歡喜適悅慶快乘空盤旋往
 返游泳樂欲瞻觀菩薩聖相而彼諸
 天當往返時有大光明普照世界黑
 暗昏冥悉使明亮日月威光映蔽不
 現是時所有一切眾生蒙光照已互
 得相見咸作是言奇哉仁者有異大
 士生此界邪奇哉仁者有異大士生
 此界邪又復菩薩決定當成如來應
 供正等正覺已出現廣大勝慧光明
 普照世間此是菩薩先現瑞相
 又問何因菩薩最初從兜率天宮歿
 已降母胎時有四天子自四方來隨
 方而住為菩薩母密作衛護答以彼
 三十三天子眾長時安慰守護善法
 咸作是言大哉世間無光明者無歸
 向者如來應供正等正覺當出世間
 悉為化度彼諸天子以利益誓願為
 勝緣故是故來為菩薩聖母密作

衛護 如高言者 第三

又問何因菩薩住母胎中而能不染胎藏諸垢無血肉垢無雜穢垢乃至餘諸不淨垢等而悉不染答菩薩往昔修因其事廣大謂於父母知識及師尊所并餘沙門婆羅門衆不生惱害而復愛樂不惱害者即以清淨事用所攝謂持清淨卧具衣服飲食塗香秣香及妙花鬘牀座舍宇燈明等物廣行布施以清淨法普照衆生由斯善業同分因故住母胎中不染諸垢

又問何因菩薩住母胎中身相完具母亦復見清淨圓滿答菩薩往昔修因其事廣大謂於父母知識及師尊所并餘沙門婆羅門衆不生惱害而復愛樂不惱害者即以完具舍宇衣服飲食受用等物完無缺者內心清淨廣行布施由斯善業同分因故在母胎中身相完具

又問何因菩薩在母胎時而菩薩母不於男子起彼欲染和合之意答菩薩往昔修因其事廣大謂自能持清淨梵行無非法行離諸惡香超越女

已第六
人深汗之法自能精持諸梵行已復教他人如理修持由斯善業同分因故而菩薩母無染欲意

又問何因菩薩在母胎時其菩薩母奉持五戒所謂乃至盡壽不殺不盜不淫不妄及不飲酒以不飲酒故離諸放逸答菩薩往昔修因其事廣大謂自斷殺生離殺生業復教他人斷離亦然自行不盜不淫不妄及不飲酒復教他人斷離亦然由斯善業同分因故而菩薩母奉戒清淨

又問何因菩薩在母胎時其菩薩母身無疲倦心得快樂答菩薩大士具大威德有勝光明使菩薩母大種堅牢而無增損以如是因故而菩薩母無倦快樂

又問何因菩薩出母胎時大地振動答菩薩大士具大威德廣如前說

又問何因菩薩出母胎時有大光明普照世界答廣如前說

又問何因菩薩出母胎時其菩薩母不坐不卧安然而立有剎帝利上族同時所生答菩薩聖母少病少惱作

彌陀經卷第五 身子 第四
諸善業勝妙果報現前克成故不坐卧離諸苦受

又問何因菩薩出母胎時有四天子自四方來以妙鹿皮承接菩薩答菩薩長時少病少惱作諸善業勝妙果報現前克成故使天來承接菩薩免致墮地離諸苦受

又問何因菩薩初生即行七步答菩薩大士於長時中正念出離親近修習廣多施作復善記說又復菩薩決定當成如來應供正等正覺已廣為衆生說七覺支法

又問何因菩薩初生觀察四方答菩薩長時與毗鉢舍那所俱正念親近修習廣多施作復善記說又復菩薩決定當成如來應供正等正覺已觀察四聖諦法廣為衆生開示演說此是菩薩先現瑞相

又問何因菩薩初生即作是言今我此身是最後有是邊際生答菩薩在母胎中常生悲愍念救衆生既出胎已乃作是言今我此身是最後有是邊際生又復菩薩決定當成如來應

供正等正覺已廣爲衆生說法化度
此是菩薩先現瑞相

又問何因菩薩初生於虛空中天降
二水一冷一暖用沐菩薩無垢之身
蒼龍威力故以彼天龍於其菩薩深
生淨信故現斯相

又問何因菩薩初生於聖母前大水
涌現隨菩薩母所欲受用蒼龍威力
故以彼諸龍於菩薩母深生淨信故
現斯相

又問何因菩薩初生空中自然奏天
音樂蒼天威力故以彼諸天於其菩
薩深生淨信又復菩薩決定當成如
來應供正等正覺已聲聞十方此是
菩薩先現瑞相

又問何因菩薩初生空中自然天雨
衆花所謂優鉢羅花鉢納摩花奔拏
利迦花俱母那花曼陀羅花等又復
雨彼衆妙沉水薰陸旃檀香林及散
天中殊妙之衣蒼天威力故以彼諸
天於其菩薩深生淨信又復菩薩決
定當成如來應供正等正覺已具大
福力一切衣服飲食牀座病緣醫藥

并餘受用皆悉具足此是菩薩先現
瑞相

又問何因菩薩生後始經七日其菩
薩母即趣命終菩薩大士大威德
者降母胎時三十三天子衆於其菩
薩極大尊重即以天勝威光授菩薩
母其後菩薩出母胎已母不復有天
之威光但具人中威光色相衆妙飲
膳隨宜資養故菩薩母速趣命終

如經所說菩薩能知入胎住胎出胎
等事云何是爲菩薩能知入胎住胎
出胎等事菩薩昔於迦葉如來
應供正等正覺法中最初爲菩提故
勤修梵行正念具足親近修習廣多
施作發大誓願願我當成如來應供
正等正覺已所有世間癡暗衆生無
救護者無歸向者廣爲化度以是因
故我於迦葉如來法中最初爲菩提
故修梵行已得生兜率陀天生彼天
已乃作是念我當得成如來應供正
等正覺已正念具足親近修習廣多
施作以是因故生彼天中未久之間
即得彼天三事所攝一天壽命二天

第八

色相三天名稱菩薩作是念時兜率
陀天諸天子衆悉知菩薩決定當成
如來應供正等正覺以是緣故皆生
恭敬尊重供養正念具足親近修習
廣多施作乃至菩薩隨彼天子壽量
而住正念具足親近修習廣多施作
菩薩即能了知入母胎事又作是念
我當得成如來應供正等正覺已正
念具足親近修習廣多施作菩薩即
能了知出母胎事住胎亦然

如經所說佛告尊者阿難言我念往
昔於彼迦葉如來應供正等正覺法
中最初爲菩提故勤修梵行正念具
足親近修習廣多施作發大誓願願
我當成如來應供正等正覺已所有
世間癡暗衆生無救護者無歸向者
廣爲化度以是因故我於迦葉如來
法中最初爲菩提故修梵行已得生
兜率陀天生彼天已乃至得彼天中
三事所攝即作是念我當成正覺已
正念具足修習施作以是因故作是
念時彼天子衆悉知菩薩當成正覺
皆生恭敬尊重供養正念具足修習

第六卷第二 第九

施作以是緣故乃至菩薩隨彼天子
壽量而住修習施作菩薩即能了知
從兜率天宮歿已入母胎事又作是
念我當成正覺已正念具足修習施
作菩薩即能了知住母胎事菩薩又
作是念我當成正覺已正念具足修
習施作即能了知出母胎事
復次阿難我以正念具足修習施作
故未久之間出母胎藏即行七步
阿難當知此如是等一一皆是我昔
思念當成如來應供正等正覺已廣
為衆生宣說七覺支法此是菩薩先
現瑞相

施設論卷第二

施設論卷第二

校勘記

- 一 底本，金藏廣勝寺本。
- 一 七九頁中三行「第四」，經、清作「第四之一」。
- 一 七九頁中七行第三字「并」，磧、南、經、清作「及」。
- 一 七九頁中一〇行第一二字「振」，經、清作「震」。下同。
- 一 七九頁中一行「大士」，磧、南、經、清無。
- 一 七九頁中二一行「世界」，磧、南、經、清作「世間」。
- 一 七九頁下一二行第六字至一三行第三字「奇……邪」，磧、南、經、清無。
- 一 七九頁下一五行「菩薩」，磧作「如來」。
- 一 八〇頁上二〇行「何因」，磧、南、經、清無。
- 一 八〇頁下二行首字「卧」，磧、南、經、清作「不卧」。
- 一 八〇頁下一〇行第三字「多」，磧、南、經、清作「大」。
- 一 八〇頁下一七行「演說」，磧、南、經、清作「演法」。
- 一 八一頁上三行「初生」，磧、南、經、清無。
- 一 八一頁中三行第一〇字「經」，磧、南、經、清無。
- 一 八一頁中八行第四字「但」，磧、南、經、清作「俱」。
- 一 八一頁下一五行第一二字「已」，磧、南、經、清無。
- 一 八二頁上一〇行第四字「知」，磧、南、經、清無。



施設論卷第三

冥

西晉譯經大師鳩摩羅什所譯之經論卷之三 華嚴經

對法大論中因施設門第四之二

又復阿難我出母胎未久之間即觀四方乃作是念我當得成如來應供正等正覺已當為眾生演說四聖諦法此是菩薩先現瑞相

又復阿難我出胎未久即作是言今我此身是邊際生乃作是念我當得成如來應供正等正覺已當為一切眾生普盡生死邊際此是菩薩先現瑞相

又復阿難我出胎未久空中自然雨眾天花謂優鉢羅花俱母陀花鉢訥摩花奔拏利迦花等又雨眾妙沉水薰陸旃檀香鉢及散天花乃作是念我當得成如來應供正等正覺已具大智慧具大福德飲食衣服牀座醫藥諸受用具悉皆豐足此是菩薩先現瑞相

又復阿難我出胎未久空中自然奏天音樂乃作是念我當得成如來應供正等正覺已覺聞十方

西晉譯經大師鳩摩羅什所譯之經論卷之三 華嚴經

又復阿難我昔宮中與諸宮屬同處牀座乃作是念從今已往我不復與王宮之座今我此座是即最後所處之座作是念已從牀座起詣王宮門志欲求出時有聖賢密開其門我於是時出宮門已漸次前詣重重宮禁一一門首皆有聖賢為開其門我於爾時即作是念我當得成如來應供正等正覺已普為眾生開甘露門此是菩薩先現瑞相

又復阿難我時乘彼迦蹉迦馬王出王城已至於佗邦即時下馬乃作是念今此是我最後所乘王宮寶馬我時所有眾莊嚴具及迦蹉迦馬王而乘不受還其馭者乃起是念今此是我最後所有世間嚴具而來心棄置不復受之阿難當知我時即持妙色寶劍自斷頂鬚鬚已復念今此是我最後自斷頂鬚寶鬚不復重生即時見一被袈裟者儀相調善見已歡喜前詣彼所而謂之曰我今奉汝迦尸迦衣汝可授我袈裟法衣即作是念今此是我最後所乘王宮之服不復

施論卷第三 第三節 實

重以俗服被體

又復阿難其後我於吉祥長者所受吉祥草詣菩提樹下自敷其草端身正念加跌而坐作是念言我若不成阿耨多羅三藐三菩提果誓願不起于座又作是念我今快得善利何以故一切眾生處無明中住著無明無明如殼障覆慧眼我當破無明外令諸眾生吉祥安樂

又復阿難我成佛未久觀見眾生世間所生亦世間老有利根者有中根者有下根者其下根者隨其行相而調伏之乃至不聞正法諸缺減者彼等眾生我觀見已於彼彼所起大悲心為說正法而化度之
又復阿難我復作是念我今快得善利我於世間雜染中生而無雜染心意所行

對法大論中因施設門第五

總說頌曰

如子下族并貧族 賊難劫初至十歲
牛貨勝身俱盧洲 無我及彼欲色界
佛從定起入涅槃 最後大衣不焚蕪

施論卷第一 第四節 實

又問何因菩薩於一切眾生中最上最勝有不發大菩提心而能正信出家者邪答菩薩長時觀諸眾生等同一子勤修善業長養成熟勝妙果報現前克成法亦如是殑伽沙等諸菩薩眾未有不發大菩提心而能正信出家之者如其所說即是不能受欲樂故

又問何因菩薩不於下族中生答下族生者習近慢心菩薩長時遠離諸慢親近善法修習施作是故菩薩決定於其上族中生又若菩薩下族生者即起謗訕

又問何因菩薩不於貧族中生答貧族生者習近慳吝菩薩長時離慳吝垢親近修習廣多施作無慳吝法是故菩薩決定於其富族中生謂以菩薩諸有所得色聲香味觸等諸境不歷艱苦自佗平等而受用之又若菩薩生貧族者即起謗訕

又問何因菩薩不生極邊國土及多賊難劫惡之方答邊惡國土於戒於見而悉艱苦不與菩薩相似同等而

施論卷第三 第五節 實

菩薩者勤修諸善長養成熟現前勝妙果報克成是故菩薩決定於其大國中生設有利根清淨眾生值遇菩薩大威德者然亦不能發起最上無漏善法所謂無上正等菩提緣覺菩提聲聞菩提到彼岸法及餘最上無漏善根

又問何因菩薩不於劫初時生彼時人壽始八萬歲答劫初時人較品根性所行愚鈍朴質種類不與菩薩相似同等菩薩大士大威德者於長時中勤修善法長養成熟設有利根清淨眾生值遇菩薩大威德者然亦不能發起最上無漏善法

又問何因菩薩不於人壽最後十歲時生答人壽十歲之時廣多罪業廣多煩惱不與菩薩相似同等是故菩薩大威德者不於人壽十歲時生

又問何因菩薩不生西瞿陀尼洲答西瞿陀尼洲人較品根性所行愚鈍朴質種類不與菩薩相似同等菩薩大士大威德者勤修善法長養成熟現前勝妙果報克成是故菩薩決定

於其大國中，生設有利根清淨衆，主
值遇菩薩大威德者，然亦不能發起
最上無漏善法，所謂無上正等菩提
緣覺菩提聲聞菩提到彼岸法及餘
最上無漏善根。

又問何因菩薩不生東勝身洲，答如
西瞿陀尼洲其事廣說。

又問何因菩薩不生北俱盧洲，答北
俱盧洲人，輒品根性所行，愚鈍朴質，
種類隨作，艱辛不與菩薩相以同等。
菩薩大士大威德者，於長時中勤修
諸善，長養成現前勝妙果報，克成
是故菩薩決定於其大國中，生設有
利根清淨衆，生值遇菩薩大威德者，
然亦不能於一切處發起最上無漏
善根。而北俱盧洲人，無我所執，此中
問言北俱盧洲人何故無我所執，邪
答謂以衆生數多，境界廣大，所受境
界咸皆悅意平等，無差故無我所。
又問何因菩薩不生欲界，諸天答謂
欲界中諸天子衆，著諸境界愛樂，放
逸不與菩薩相似，同等雖能修持少
分梵行，不能廣爲比丘比丘尼優婆

塞優婆夷等四衆，廣大宣演梵行，令
諸天人各獲利益，以是緣故不生欲
界諸天。

又問何因菩薩不生色界，諸天答謂
色界中諸天子衆，雖能修持少分梵
行，而亦不能廣爲四衆，別別開演所
有梵行，令諸天人各獲利益，又復菩
薩不於色界，諸天趣證涅槃。

此中應問何故色界天中不入涅槃，
答謂無色相正受處，故但作意已正
入涅槃。

又問若如此說者，不善心入邪無記
心入邪，答此說應知無記心入。

又問何因諸佛世尊任世教化，何故
賢上大聲聞衆先入涅槃，佛乃後入，
答以諸聲聞長時無間勤修善法，長
養成熟，現前勝妙果報，克成若見世
尊入涅槃者，彼諸聲聞所有勝報，即
不圓成，又復法尙殘伽沙數等，諸佛
世尊所有賢上大聲聞衆，皆先涅槃，
佛乃後入，如其所說入涅槃者，諸佛
世尊於第四禪不動地中，現前證入
此中應問云何世尊入涅槃，邪或復

起邪，答若有所起，即無所入。

又問何因如來世尊入涅槃，已聖體既
焚大衣，如故若內若外，都無所損，答天
威力，故謂以諸天於佛世尊，極生淨
信，又復二種制止不燒一者內身二
者外財，當知皆是佛神力故。

對法大論中，因施設門第六之一
總說頌曰

二緣及彼二衆出，聲聞三千大千界
大慈大悲二種心，不思議及隨順法
衆生差別所行中，如象王任地獄等
又問何因佛及輪王皆具三十二大
丈夫相，一謂如來應供正等正覺二
謂轉輪聖王，答轉輪聖王者，往昔修
因其事廣大於長時中，常起是念，我
當廣行布施，植諸勝福，長養一切衆
生，淨持戒行，世間癡暗無歸，救者悉
爲救度，如來應供正等正覺者，隨諸
所作一切善法，普施世間一切衆生，
廣發大願，如願所行，捨家出家，成等
正覺，以是因故，轉輪聖王如來應供
正等正覺，皆具大丈夫相。
又問何因佛與緣覺於一時中不相

施設論卷第三 第九 定字

值遇答諸緣覺衆於長時中修緣覺法勝妙果報現前克成無所願求於最上法無復施作亦不樂欲親近恭敬瞻觀如來由是因故佛與緣覺不同時出

又問何因二轉輪王不同時出答轉輪聖王往昔修因其事廣大謂於長時勤修諸善同一妙蓋普覆一切一輪王出觀諸衆生同一子想一輪王出同一境界尊重供養隨所應作一切善業勝願果報現前克成由是因故二轉輪王不同時出

又問何因二佛如來應供正等正覺不同時出答菩薩往昔修因其事廣大謂於長時唯一師教一種修習作諸善法隨其所作同一解脫唯一所尊唯一大智作諸善業長養成熟於一時中無二果報現前所起此復云何答二難竝故以是因故於一時中二佛如來應供正等正覺不同出世又問何因女人不作轉輪聖王不成帝釋不成梵王不成魔王不證緣覺善提不證無上正等菩提答謂諸女

於諸論者第三 第十 定字

人善力劣弱男子勝善樂欲根力之所建立以其極生善欲心故女無勢力皆是男子善業因作又復女人無其利根唯彼男子善力成故又彼男子善力增極乃能獲得利根勝業以如是因故女人不作轉輪聖王不成帝釋不成梵王不成魔王不證緣覺善提不證無上正等菩提

又問何因佛世尊者具無邊智具無邊慧無邊辯才答菩薩長時於其三慧親近修習廣多施作謂聞所成慧思所成慧修所成慧增極勤勇以如是因故佛世尊具無邊智慧無邊辯才

又問何因佛世尊出清淨妙音普聞三千大千世界悉令曉了答以佛世尊成道未久住梵界已普令親近得聞解脫頌句

頌曰

安住諸佛正教中 發起精進求出離
能破生死大力軍 猶如狂象在草舍
今此清淨正法律 不放逸心善所行
即能斷滅生死輪 乃盡一切苦邊際

施設論卷第三 第十一 定字

如是頌句一一世界一一衆生普皆得聞分明曉了此是如來清淨妙音普聞三千大千世界

施設論卷第三

施設論卷第三

校勘記

- 一 底本，金藏廣勝寺本。
- 一 八三頁下一行末字「處」，磧、南、徑、清作「趣」。
- 一 八四頁上八行第二字「卵」，磧、南作「卵」；清作「卵」。第一三字同。
- 一 八四頁下二〇行首字「西」，磧、南、徑、清無。
- 一 八五頁上一〇行「相以」，磧、南、徑、清作「相似」。
- 一 八五頁上一九行末字「所」，磧、南、徑、清作「所執」。
- 一 八五頁中五行第四字「諸」，徑作「謂」。
- 一 八五頁下一一行第二字「生」，徑、清作「中」。



越城縣廣勝寺

施設論卷第四

寔

譯經三藏目錄卷之三 施設論卷第四 廣勝寺

對法大論中因施設門第六之二

論中問曰有何所因而能了知正覺
 世尊於諸衆生大悲超勝若世尊爲
 見世間衆生染煩惱病煩惱逼迫種
 種煩惱而生損害無救無歸無所趣
 向以如是因故世尊不久乃成正覺
 爲諸衆生而作救度是故大悲超勝
 又問何因菩薩入慈心定時而菩薩
 身火不能燒水不能溺刀杖不傷毒
 不能害復無中間趣滅若無惱害定
 無定所入無彼無惱害觸亦無不同
 分心趣滅以如是因故菩薩入慈心
 定時水火刀杖毒不能害復無中間
 趣滅
 又問何因入無想定及滅盡定時水
 火刀杖毒不能害復無中間趣滅若
 無惱害定無定所入亦無無惱害之
 觸無心趣滅由此因故其事如是
 又問何因菩薩在母胎時而菩薩母
 不爲水火刀杖毒所惱害亦無中間
 趣滅若菩薩大威力故以其菩薩勝

施設論卷第四 第二 寔

力令菩薩母無諸惱害

又問何因菩薩之身無水火刀杖毒
 所惱害亦無中間趣滅若菩薩於一
 切衆生中而得最勝設於同等類中
 亦復最勝

又問何因彼焰摩王身無水火刀杖
 等害亦無中間趣滅若焰摩王者於
 焰摩界衆生類中而得最勝由此因
 故其事如是

又問何因愛羅縛摩象王及善住象
 王身無水火刀杖等害亦無中間趣
 滅若彼於傍生類中而得最勝出諸
 趣類由此因故其事如最是

又問何因地獄趣中諸衆生類受極
 苦楚而無中間趣滅若業報熾然故
 以其苦受業報未盡由此因故其事
 如是

對法大論中因施設門第七

復次一時佛在舍衛國告苾芻衆言
 苾芻當知有三種法爲內垢染內含
 藏內怨惡何等爲三謂貪瞋癡諸苾
 芻此中云何名內垢染內含藏內怨
 惡謂若有人惡友所作侵佗受用及

諸種類乃至害命以其貪愛增盛於身口意廣行諸惡行諸惡已由此因緣身壞命終墮於惡趣地獄中生瞋癡亦然諸苾芻是故貪瞋癡法名內垢染內含藏內怨惡

世尊善逝如是說已

復次總略而說頌曰

不能了知貪愛法 於貪愛法不諦觀
是人與其貪愛俱 彼即入於黑暗處
貪染之人無義利 由貪染心生愛著
中間生起怖畏心 當知彼人不覺了
若能斷除於貪愛 彼即愛塵不能染
由其貪愛不轉時 如蓮不住於涕水
不能了知瞋恚法 於瞋恚法不諦觀
是人與其瞋恚俱 彼即入於黑暗處
瞋恚之人無義利 由瞋恚心生過失
中間生起怖畏心 當知彼人不覺了
若能斷除於瞋恚 即於瞋境不生瞋
由其瞋法墜墮時 如彼果熟而自落
不能了知癡冥法 於癡冥法不諦觀
是人與其癡冥俱 彼即入於黑暗處
癡冥之人無義利 由癡冥心故癡迷
中間生起怖畏心 當知彼人不覺了

若能斷除癡冥者 不為癡境所癡迷
彼癡冥法若破時 其猶日光破諸暗
若能了知此三法 決定不墮於惡趣
如斷多羅大樹心 彼所斷已不復生
是故貪法及瞋法 癡等三法皆離著
行人明慧發生時 即能盡於苦邊際
又問何因有極貪者答謂若有人於
貪不善根中近習修作於無貪善根
中不近習修作於其欲想欲因欲尋
而乃近習亦復修作於出離想出離
因出離尋不能修作於諸世間莊嚴
受用以愛著心勤行修作於不莊嚴
受用不勤修作於諸善法所應作處
而不能作復不思惟不修三摩地行
不能守護諸根隱密之門食不知量
初夜後夜常不睡眠勤行諸惡不修
奢摩他毗鉢舍那於不如理作意中
而乃修作此等之人故極貪愛至謝
滅已當復云何謂作歌舞倡伎戲笑
之人及為女人設得生天即生欲界
天中由此因故其事如是
又問何因有極瞋者答謂若有人於
瞋不善根中近習修作於無瞋善根

中不近習修作於其瞋想瞋因瞋尋
而乃近習亦復修作於不瞋想不瞋
因不瞋尋不能修作於非起瞋動
行修作於慈心三摩地不能修作於
煞害事勤行修作於不煞害事不能
修作於彼諸根隱密之門不能守護
食不知量初夜後夜常不睡眠勤行諸
惡不修奢摩他毗鉢舍那於不如理作
意中而乃修作此等之人故極瞋恚
至謝滅已當復云何謂作蠍蜂三目
蟲百足蟲等由此因故其事如是
又問何因有極癡者答謂若有人於
癡不善根中近習修作於無癡善根
中不近習修作於其害想害因害尋
而乃近習亦復修作於不害想不害
因不害尋不能修作於諸見中而常
修作及於恠異不祥等事亦復修作
由是緣故而不能於緣生法門內心
伺察不能於五取蘊中諦觀生滅無
常之行所謂此法是色所成是色所
集從色所滅如是受想行識所成是
識所集從識所滅此人於諸根隱密
之門不能守護食不知量初夜後夜

施設論卷第四 第六

常不睡眠勤行諸惡不修奢摩他毗鉢舍那於不如理作意中而乃修作此等之人故極癡冥至謝滅已當復云何謂作象馬駝驢羊鹿牛及猪等由此因故其事如是

又問何因有不極貪者答謂若有人於無貪善根中近習修作於貪不善根中不近習修作於出離想出離因出離尋而乃近習亦復修作於其欲想欲因欲尋不勤修作於諸世間不莊嚴受用勤行修作於莊嚴受用不勤修作於諸善法常所思惟於三摩地勤行修作於不善法而不修作守護諸根隱密之門飲食知量初夜後夜常不睡眠勤行諸善修奢摩他毗鉢舍那於如理作意中勤行修作於不如理作意中而不修作此等之人不極貪愛至謝滅已當復云何謂作仙人及出家人諸長者等或生色界天中由此因故其事如是

又問何因有不極瞋者答謂若有人於無瞋善根中近習修作於瞋不善根中不近習修作於無瞋想無瞋因

施設論卷第四 第七

無瞋尋而乃近習亦復修作於其瞋想瞋因瞋尋不勤修作常修慈心三摩地行於非起瞋而亦不作於不害法勤行修作於損害法而不修作守護諸根隱密之門飲食知量初夜後夜常不睡眠勤行諸善修奢摩他毗鉢舍那於如理作意中勤行修作於不如理作意中而不修作此等之人不極瞋恚至滅謝已當復云何謂作仙人及出家人諸長者等或生色界天中由此因故其事如是

又問何因有不極癡者答謂若有人於無癡善根中近習修作於癡不善根中不近習修作於無害想無害因無害尋而乃近習亦復修作於諸見中及恠異不祥等事悉不修作以是緣故而於緣生法門內心伺察於五取蘊中諦觀生滅無常之行所謂此法是色所成是色所集從色所滅如是受想行識所成是識所集從識所滅此人於諸根隱密之門而常守護飲食知量初夜後夜常不睡眠勤行諸善修奢摩他毗鉢舍那於如理作意

施設論卷第四 第八

中勤行修作此等之人不極癡冥至謝滅已當復云何謂作仙人及出家人諸長者等或生色無色界天中由此因故其事如是

對法大論中因施設門第八之一

總說頌曰

先際穢氣及堅重 穢氣上風而颺散
充滿出息入息俱 晝夜魚龜陸中等
如佛所說

佛告諸苾芻言汝諸苾芻不能了知先際皆因有愛二法於先際中若無有愛即後無所起若能了知如是法者即自思惟於後際法有愛為緣為有相續不了知邪為無相續邪或有答言此無相續何所以邪謂不了知故於無明中諸衆生類乃起是念我過去世為有為無若過去世有此即是常若過去世無此即是斷而乃諸行或有因邪若彼諸行先有因者然亦諸行先無有因是故若能了知先際即諸行本來而無有因

又問何因未離欲者當趣滅已火焚身時而有穢氣周備充塞已離欲者

火焚身時而無穢氣固徧充塞若未
離欲者謂以身中精血不淨而有流
散以流散故火焚身時風颺穢氣而
有充塞故使大威力諸天不來勤勇
作供養事何以故穢氣未散故已離
欲者當趣滅已身無精血不淨流散
以不流散故火焚身時而無穢氣是
故大威力諸天悉來勤勇作供養事
何以故無穢氣故
又問何因未離欲者當趣滅已身體
堅重而不調暢已離欲者當趣滅已
身體調暢而不堅重若未離欲者上
風吹鼓內入其身是故堅重而不調
暢已離欲者當趣滅已止攝外風身
得調暢而無堅重由此因故其事如是

施設論卷第四

施設論卷第四

校勘記

- 一 底本，金藏廣勝寺本。
- 一 八八頁中二行譯者，磧、南作「西天譯經三藏朝散大夫試光祿卿光祿大夫試光祿卿沙門臣惟淨等奉詔譯」，卷五同；徑作「宋西天三藏朝散大夫試光祿卿傳梵大師法護等奉詔譯」；清作「宋西天三藏朝散大夫試光祿卿光祿卿惟淨等奉詔譯」，以下各卷同。
- 一 八八頁下一三行「如最是」，磧、南、徑、清作「如是」；麗作「如最」。
- 一 八九頁上四行第一三字「名」，磧、南、徑、清無。
- 一 八九頁下一二行第一一字「若」，磧、南、徑、清無。
- 一 九〇頁上七行第七字至八行第二字「近……中」，徑、清無。又第一〇字至八行第六字「作……修」，南無。又第一二字至八行第八字

「貪……於」，磧無。

一 九〇頁中一二行第五字「有」，徑、清無。



趙城縣廣勝寺

施設論卷第五

釋迦牟尼佛說經卷第五 施設論卷第五 二 定

對法大論中因施設門第八之二

又問何因未離欲者當趣滅時上風吹鼓內入其身已離欲者當趣滅時無上風吹鼓內入其身若未離欲者當趣滅時外心生起住著奔流風吹目關心周徧故其風不止是故上風吹鼓內入其身已離欲者當趣滅時無外心生起住著奔流無風所吹目不開合無心周徧其風乃止是故無上風吹鼓內入其身由此因故其事如是

又問何因人命存活身體輕安而復調暢命既終歿身體堅重而不調暢若其終歿者邊際分位火界風界二界俱滅是故堅重而不調暢彼存活者中間分位火界風界二界不滅是故輕安而復調暢由此因故其事如是又問何因人命存活現住世間飲食銷散既終歿已食不銷散若人命存活現住世者中間分位火界水界風界不滅由彼水界流潤火界成熟風

施設論卷第五 二 定

界吹鼓故其所食而乃銷散彼終歿者邊際分位水界火界風界俱滅以其所食水不流潤火不成熟風不吹鼓故不銷散由此因故其事如是

又問何因人命存活現住世間身無穢氣既終歿已穢氣充盈若人命存活現住世者中間分位火界風界二界不滅隨逐水界而得盈滿是故彼身無諸穢氣既終歿已邊際分位火界風界二界俱滅不隨水界而得盈滿是故彼身乃有穢氣由此因故其事如是

又問何因人命存活現住世間出息入息而常隨轉彼終歿者其事不然若命存活者以思惟發悟故依止於思是故存活出入息轉既終歿者無所思故其事如是

又問何因彼訓狐鳥夜見晝不見若彼訓狐鳥目中瞳人其狀赤色夜中無障晝即有障是故夜見而晝不見又問何因人能晝見夜乃不見若人之目中瞳人其狀黑色晝乃無障夜即有障是故晝見而夜不見

又問何因犬馬夜見晝亦能見
犬馬目中瞳人黃色晝夜無障是
故俱見

又問何因魚於水中能見陸中不見
答諸魚者目中瞳人眇淚所覆水中
無障陸中有障故水中見陸中不見
又問何因人之兩目陸中無障水中
有障答人之目中瞳人水泡所成是
故陸中無障水中有障

又問何因龜鼈蝦蟆及水蛭等水陸
俱見答龜鼈蝦蟆及水蛭等目中瞳
人骨之所成陸中水中俱無障礙是
故俱見

對法大論中因施設門第九

總說頌曰

睡眠惡戾及掉舉 多舌語言并暗鈍
念慧而復煩惱增 不穎利於禪定等
又問何因世間有多睡眠之者答謂
若有人常所近習多睡眠者於光明
法中而不近習彼人至謝滅已當復
云何謂作蟒蛇龍等由此因故其事
如是

又問何因有少睡眠者答謂若有人

於光明法中作光明想多所近習於
昏沉睡眠法中而不近習彼人至謝
滅已當復云何謂作仙人及出家人
諸長者等或生色無色界天中由此
因故其事如是

又問何因有惡戾者答謂若有人常
所近習運用執行刀杖器械諸惡戾
人不能近習不行刀杖不惡戾者彼
人至謝滅已當復云何謂作屠宰魁
膾畋獵漁捕調制象馬拘械繫縛諸
不律者由此因故其事如是

又問何因有不惡戾者答謂若有人
常所近習不行刀杖不惡戾人而不
近習諸惡戾者彼人至謝滅已當復
云何謂作仙人及出家人諸長者等
或生色無色界天中由此因故其事
如是

又問何因有掉舉者答謂若有人常
所近習多掉舉者不能近習諸寂止
者彼人至謝滅已當復云何謂作歌
舞戲笑之人或生欲界天中由此因
故其事如是

又問何因有不掉舉者答謂若有人

常所近習諸寂止者而不近習掉舉
之人彼人至謝滅已當復云何謂作
仙人及出家人諸長者等或生色無
色界天中由此因故其事如是

又問何因世有多舌多語之者答謂
若有人常所近習多語之人不能近
習少語之者彼人至謝滅已當復云
何謂作鸚鵡鴉鷲為拘枳羅鷲鷲等諸
飛鳥由此因故其事如是

又問何因有不多舌多語者答謂若
有人常所近習少語之人不能近習
多語之者彼人至謝滅已當復云何
謂作仙人及出家人諸長者等或生
色無色界天中由此因故其事如是
又問何因有暗鈍者答謂若有人不
能近習多聞之人不以各各方處之
言說釋義理由此因故其事如是

又問何因有不暗鈍者答謂若有人
常所近習多聞之人不能近習寡聞
之者能以各各方處之言說釋義理
彼人至謝滅已謂作婆羅門中善說
法者或作沙門中善說法者由此因
故其事如是

施設論卷第五 第六 處

復次當知少語之人有其二種一者卑賤二者尊高何等是為卑賤少語謂若有人雖復卑賤以有智故常能依止父母師長名稱尊者及餘有智之人故雖卑賤而能少語何等是為尊高少語謂若有人本性尊高而復有智常能依止父母師長名稱尊者及餘有智之人故能少語

又問何因世有有行無慧之者答謂若有人多求正法心無厭足然於理趣不能伺察由此因故其事如是

又問何因世有有慧無行之者答謂若有人於法理趣能諦伺察然於正法不能多求少以為足由此因故其事如是

又問何因世有無慧無行之者答謂若有人不能多求正法復於理趣不能伺察由此因故其事如是

又問何因世有有行有慧之者答謂若有人多求正法復於理趣能諦伺察由此因故其事如是

又問何因而能住持正法答謂若有人能於諸法行相之中依止十二處

施設論卷第五 第七 處

法而善攝受由此因故其事如是
又問何因世有失念之者答謂若有人於不善法積集而轉近習修作廣多惡行彼人身壞命終墮在惡趣地獄中生地獄歿已設欲來生人同分中縱得為人壽量短促人中歿已當生還復無多記念所為忘失由此因故其事如是

又問何因世有多記念者答謂若有人於諸善法積集而轉近習修作廣多善行彼人身壞命終墮在善趣天界中生天趣歿已若欲來生人同分中即得為人壽量長遠人中歿已當生還復廣多記念所為不忘由此因故其事如是

又問何因世有深極煩惱之者答謂若有人於其欲想瞋想害想欲因瞋因害因欲尋瞋尋害尋近習修作於極煩惱隨應而轉由此因故其事如是
又問何因世有不極煩惱之者答謂若有人於出離想不瞋想不害想出離因不瞋因不害因出離尋不瞋尋不害尋近習修作於極煩惱不隨應

施設論卷第五 第八 處

轉由此因故其事如是
又問何因世有不能速成禪定忍辱二善法者答謂若有人於其諸法行相決定義中不善攝受由此因故不能速成禪定忍辱二種善法

又問何因有能速成禪定忍辱二種善法者答謂若有人於其諸法行相決定義中能善攝受由此因故即能速成禪定忍辱二種善法

對法大論中因施設門第十一之一
總說頌曰
須彌大地及方處 山有廣多草木者
多樹及彼枝葉多 花果豐盈茂盛等
又問何因一切山中須彌山王最高最勝答世界成時彼須彌山界地最上處運最上殊妙最上輪圍最上總聚方處而成其山由此因故須彌山王最高最勝

又問何因北方地界多樹多草答世界成時北面風吹界地最上處運最上殊妙最上總聚方處是故北方多樹多草

又問何因於大地中一類地高一類

地下蒼此大地中一類地方土界高
涌得少天雨流潤澍沛其下佞陷故
彼地下又此大地一類地方而有諸
寶謂鐵白銅白鑛黑鑛及金銀等并
餘所有堅硬之物藏伏地中雖天雨
澍沛其下不陷故彼地高由此因故
大地方處有高有下

又問何因衆山之中一類山高一類
山佞蒼謂世界成時有極猛風鼓地
大種總聚而高若復微風吹鼓少聚
地種故彼山佞又復諸山地界高涌
得少天雨流潤澍沛其下佞陷故彼
山佞有一類山而有諸寶謂鐵白銅
白鑛黑鑛及金銀等并餘所有堅硬
之物藏伏山下雖天雨澍沛其地不
陷故彼山高由此因故大地方處山
有高佞

施設論卷第五

施設論卷第五

校勘記

- 一 底本，金藏廣勝寺本。
- 一 九二頁中二行譯者，徑作「宋西天三藏朝散大夫試光祿卿光梵大師惟淨等奉詔譯」。卷六、卷七同。
- 一 九二頁下五行第一二字「聞」，徑無。
- 一 九二頁下二〇行第一一字「而」，磧、南、清作「即」；徑作「則」。
- 一 九三頁上一行第八字「見」，磧、南、徑、清作「見而」。
- 一 九三頁上六行第七字「故」，磧、南、徑、清作「放」。
- 一 九三頁上一九行首字「若」，磧、南、徑、清無。
- 一 九三頁中三行第八字「作」，徑無。
- 一 九三頁下六行第四字「常」，徑作「當」。
- 一 九三頁下一四行首字「色」，徑作「色界」。

- 一 九四頁上一四行末字「甚」，磧、南、徑、清、麗作「其」。
- 一 九四頁中五行及一二行「來生」，磧、南、徑、清作「求生」。
- 一 九四頁下九行「二種善法」，至此，徑、清卷第五終，卷第六始。
- 一 九五頁上六行首字「澍」，磧、南、徑、清作「潤」。
- 一 九五頁上卷末經名，徑、清無（未換卷）。



趙城縣廣勝寺

施設論卷第六

寔

譯經藏教義疏釋迦牟尼佛地持論卷第六

對法大論中因施設門第十之二

又問何因有一類山多樹多草有一類山少樹少草答謂一類山下有龍宮故多樹草有一類山下無龍宮故少樹草

又復有山土界高涌故多樹草又復有山多諸寶物謂金銀銅鐵赤土白土藏伏山下故少樹草又復有山下有各別地獄居處故少樹草

又復山下無別地獄故多樹草由此因故其事如是

又問何因有一類樹其狀極大一類不大答謂有地方地界溫暖水界增涌火界調順風界穩平故樹極大謂有地方地不溫暖水不增涌火不調順風不穩平故樹不大由此因故其事如是

又問何因有一類樹其葉極大一類不大答謂有樹木地界溫暖水界增涌火界調順風界穩平故樹葉大謂有樹木地不溫暖水不增涌火

對法大論卷第六 第二 寔

不調順風不穩平故葉不大由此因故其事如是

又問何因有一類樹其花茂盛一類無花答謂一類樹殊妙高聳故花茂盛有一類樹狀不殊妙復不高聳故彼無花由此因故其事如是

又復何因有一類樹有其果實一類無果答謂一類樹味界增盛彼即有果有一類樹味界不增故無其果由此因故其事如是

又問何因有一類樹花有妙香一類無香答有一類花本狀殊妙不為火損故有妙香有一類花本非殊妙復為火損故無妙香由此因故其事如是

又問何因有一類果足其嘉味一類無味答有一類果味為火損其果無味有一類果不為火損其果有味由此因故其事如是

餘諸花果色香味等有無亦然

對法大論中因施設門第十一

總說頌曰
佛世尊及聲聞眾 化人所食四大種
隱沒煙及火熾然 最後如空無表現

又問何因佛世尊者善能化彼所化之人妙色端嚴人所樂見具大人相莊嚴其身若佛語言化人即默若化人語佛即默然彼聲聞弟子亦能化彼所化之人色相端嚴剃髮被衣作沙門相何故能化之者語言所化之者亦言能化之者若默所化之者亦默答佛世尊者常住三摩地心自在故若入若出速疾無礙於一切時不捨所緣聲聞即不然不同世尊具一切智智心得自在已到彼岸由此因故佛所化人妙色端嚴語時能默默時能語而彼聲聞所化之人雖復色相端嚴剃髮被衣然能化之者語即能語默即還默不自在故或有問言若佛所化如聲聞所化聲聞所化如佛所化者可說具四大種或不具邪答具四大種又問所化之者說所造色或不說邪答說所造色又問所化之者有思惟邪無思惟邪答此有二種所起一者緣持二者想成若緣持所起者即有思惟若想

成所起者即無思惟又問彼所化者如何得心自在答此有二種所起一者緣持二者想成若緣持所起彼所化者即心自在若想成所起彼所化者心不自在又問所化之者中間分位說具四大種或不具邪答說具四大種又問中間分位說所造色或不說邪答說所造色又問中間分位有思惟邪無思惟邪答此有思惟又問中間分位如何得心自在答隨能化者自心自在故又問所化之者食於藏腹如何銷散以是化故答此有二種所起一者緣持二者想成若緣持所起者食即銷散若想成所起者食即不散又問彼所化人何時即隱答此有二種所起一者緣持二者想成若想成所起者彼即能隱若緣持所起者或隱不隱又問至何時隱答隨能化者若天若人若阿修羅或善相或惡相彼隱即隱

何故不隱邪答中間最後相去懸遠乃至還歸自相而住此即不隱又問何因聖人化火之時為有煙不答能化之者心自在故隨其所化而即有煙由此因故其事如是又問何因化火之時火熾焰不答能化之者心自在故隨其所化火即熾焰由此因故其事如是又問何因化火之時唯燒自身及白衣飾不燒他者答隨能化者其心自在意所樂故唯燒自身及白衣飾由此因故其事如是又問何因聖人化火焚其身時但觀虛空外無所有影像及餘悉無表現答聖人化火之時地方分位行坐等處悉以化所成火混一火界普皆焚燒但觀虛空外無所有影像及餘悉無表現由此因故其事如是對法大論中因施設門第十二總說頌曰大海次第及深廣海居衆生同鹹味不宿死屍珍寶多 大身衆生注雨等如經所說大海次第從小增廣亦非

施設論卷第六 第六 寒字

本來而自深險今問何因其事如是
荅非大海次第從小增廣亦非本來
而自深險隨其大洲分位如是如穀
麥聚次第分位由此因故其事如是
如經所說大海深廣難徹源底今問
何因其事如是荅非大海深廣難徹
源底但以海水若出若入或用一器
或百或千或復百千而汲海水隨其
所取不能度量海之分量由此因故
其事如是

如經所說大海中水潮不失時今問
何因其事如是荅時有二種一旦暮
時二大時何名且暮時謂大海中所
居衆生有其饑虛羸劣之者少得飲
食為伺求故從水出陸以所食因依
時伺求由此名為且暮之時何名大
時謂大海中所居衆生以海居人每
至八日十四日十五日及餘神通月
分日是等之日自船登岸有信向
宗事月天之人有事日天之人有事
童子天人有尊重信向事佛優婆
塞依法不食廣作祠祭乞歡喜事彼
海居衆生以伺求食故從海出陸故

施設論卷第六 第七 寒字

曰大時
如經所說大海中水同一鹹味今問
何因其事如是荅謂有海居衆生大
海中生大海中老大海中歿其未歿
者彼身之始身之微惡在大海中故
海鹹味又復海中有衆山居經久
銷鏽亦成鹹味又復大洲之中近海
居人以其草木枝葉莖蕀等物棄
置海中亦成鹹味由此因故其事
如是

如經所說大海之中衆寶充滿今問
何因其事如是荅以其大海世界成
時界地最上處徑最上輪圍最上總
聚方分成須弥山王安止其中有七
金山周而圍繞彼大海中有大威力
諸龍王宮是故大海有衆珍寶由此
因故其事如是
如經所說大海之中有大身衆生居
止於彼今問何因其事如是荅彼大
身衆生者往昔為人作諸非法廣積
受用子息眷屬奴婢飲食但自資身
不行惠施由斯罪業乃至最後身
壞命終墮在惡趣地獄中生地獄歿

施設論卷第六 第八 寒字

已以彼宿造餘業未盡故生海中為
彼極大畜類之身身相大故令多衆
生共所食瞰陸地大洲不能容受皆
以宿昔不善業報故於海中受斯極
苦由此因故其事如是

如經所說大海之中不宿死屍今問
何因其事如是荅謂大海中有潔淨
行諸大龍宮若彼最上龍王宮中有
死屍者即於夜分棄置第二龍王宮
中乃至第四宮中如是次第出置岸
上由此因故其事如是

如經所說大海中有大閻浮樹枝葉
繁茂樹汁涌滲於虛空中如惡又聚
流注於彼大海之中而其海水不增
不減今問何因其事如是荅彼大海
中所居衆生共所受用餘即熱風吹
蕩而盡是故海水不增不減
如經所說大海之中有其種種形顯
色相種種音聲衆生居止非一種類
色相音聲今問何因其事如是荅
彼諸衆生往昔為人廣造多種罪不
善業謂身語意起諸惡行乃至最後
身壞命終墮在惡趣地獄中生地獄

歿已餘業未盡墮大海中受畜類報
故有種種形顯色相種種音聲非一
種類色相音聲由此因故其事如是

施設論卷第六

施設論卷第六

校勘記

- 一 底本，金藏廣勝寺本。
- 一 九六頁中一行至二行經名、譯者，
[徑、清無（未換卷）]。
- 一 九六頁中一行第六字「居」，[磧、
南、徑、清作「去」]。
- 一 九六頁下七行第二字「復」，[磧、
南、徑、清作「問」]。
- 一 九六頁下一五行「何因」，[磧、南、
徑、清無]。
- 一 九七頁上四行末字「化」，[徑無]。
- 一 九七頁上五行第五字「人」，[徑作
「化人」]。
- 一 九八頁中二〇行末字「積」，[磧作
「大」]；[南、徑、清作「於」]。
- 一 九八頁中二二行「不行惠施」，[磧
作「不樂他施」]；[南、徑、清作「不
行布施」]。
- 一 九八頁中末行「惡趣」，[南、徑、清
作「阿鼻」]。

- 一 九八頁下一四行第七字「之」，[磧、
南、徑、清無]。



趙城縣廣勝寺

施設論卷第七

寔

經云藏經卷第七施設論卷第七

對法大論中因施設門第十三

如經所說一性所成有各種類今問
 何因其事如是答謂如苾芻引世間
 定先得離欲次不艱苦復不流散由
 彼發起生長積集後起化事其所發
 起生長積集作化事已隨其意樂或
 化人身或化象身或化馬身或化牛
 身或化飛禽身或化車相或化樹相
 或牆壁相若來若去若入若返
 自在由此因故其事如是

如經所說有各種類還歸一性今問
 何因其事如是答謂如苾芻隨諸狀
 身形質事相或化人身或化象身或
 化馬身或化牛身或化飛禽身或化
 車相或化樹相或牆壁相若來若去
 若出若入隨諸化事功用輕捷彼等
 化功種種事相化已隱沒而悉不現
 由此因故其事如是
 如經所說諸變化中若來若去隨其
 知見各各有異今問何因其事如是
 答謂若有人欲化來相先自起念云

施設論卷第七 第二 寔

何令人不能見我不能知我念已即
 當入於定中騰越牆壁隨意而來此
 即來相人不能見

云何去相人不能見謂若有人欲化
 去相先自起念云何令人不能見我
 不能知我念已即當入於定中騰越
 牆壁隨意而去由如是故去相不見
 謂以定中所化來相即是去相所化
 去相即是來相如是知見隨其所起
 各各有異各各了知智者隨應以明
 慧性於無相中而起有相廣大利智
 普徧開曉由此因故其事如是
 如經所說騰越牆壁或越山石其身
 不著隨意而去如在空今問何因
 其事如是答謂如苾芻入於空定於
 其中騰越牆壁或越山石其身不
 著隨意而去如在空中所越一切山
 石牆壁猶如虛空悉無障礙
 如經所說有能入地如水履水如地今
 問何因其事如是答謂如苾芻入水
 定時自地昇沉起伏無礙如履水中
 昇沉亦然不斷其流隨意而往在地
 如水履水如地由此因故其事如是

如經所說有能空中先盤結坐即坐而行狀若飛禽履空自在今問何因其事如是答謂如苾芻引世間定先得離欲次不艱若復不流散由彼發起生長積集後起化事隨處地方能於空中或坐或行及於空中化大火聚猛焰熾盛或化煙相或煙幢相或化風輪空中吹鼓或風輪中乘象而行或化車相或馬或人或化牆壁或化樹相或化飛禽隨諸化相人所共見咸皆起念驚恠歎異各各了知神通之力其狀如是此乃善修神足智力由此因故其事如是
如經所說或有人能於虛空中舉手捫觸日月二相今問何因其事如是答謂如苾芻在於定中以其日從日輪中出以其月從月輪中出乃從定中起神通事即以手捫虛空摩觸日月定通力故隨意無礙
如經所說有人能於梵界往來隨意自在今問何因其事如是答謂有苾芻引世間定先得離欲次不艱若復不流散由彼發起生長積集後起化

事身心和融混而為一心即于身身即于心身心相即運用和融譬如世間酥蜜水油混融一處在定苾芻亦復如是身心和融輕安柔軟心想自在隨意能往梵天界中高下騰越悉無障礙譬如造篋笥人持以篋笥騰舉運用隨意無礙又如乞食苾芻得所施食墮在鉢中騰舉運用亦無障礙在定苾芻亦復如是身心柔軟輕安想生騰舉運用悉無障礙乃至梵天宮殿舉心即到色力增盛勢用堅強於梵天界往來自在
如經所說佛於一時謂尊者阿難言汝可知不我以如是意所成身以神通力隨意能往梵天宮殿阿難白佛言如是如是我知世尊即以如是四大所成應重色身隨意能往梵天宮殿佛言阿難我知如是色身應重四大和合父母不淨羯邏藍等眾緣所成雖假以飲食衣服澡沐資養種種治事終歸磨滅破散之法頗能往彼梵天宮殿阿難白佛言能往世尊能往善逝如世間鐵及耕犁具當在鼓

鑄炎火熾盛未出火時而彼鐵具即皆輕利加復柔軟易為舒卷遇涼冷時彼諸鐵具厚重堅硬而難舒卷阿難如來亦復如是若時身心和融輕安想生加復柔軟調暢安適隨意能往梵天宮殿又復當知若心不相續即心無依止心無繫屬以心無依止無繫屬故身即自在
又問何因所化之人能於空中隨意而行答能化自在所化亦然以化力故在空如地由此因故空中能行
又問何因所化之人空中能住答能化自在所化亦然以化力故化空如地由此因故空中能住
又問何因所化之人空中能坐答能化自在所化亦然故於空中化坐分位由此因故空中能坐
又問何因所化之人能於空中安布牀位隨意而卧答能化自在所化亦然故於空中布設牀位由此因故空中能卧
此如是等餘諸神通功力化事如其所說隨意應知

施設論卷第七 第六 庚

因施設門第十四

問曰有何分量知天降雨答有八種
 雲彼第一雲高一由旬半第二雲高
 五俱盧舍第三雲高一由旬量第四
 雲高三俱盧舍第五雲高半由旬量
 第六雲高一俱盧舍第七雲高半俱
 盧舍第八雲高俱盧舍中四分之一
 諸雲住已天雨不雨其復不定
 又問何因劫初時人乘雲高起一由
 旬半一切地中而悉降雨答劫初時
 人具大威德彼大力龍而悉尊仰故
 能乘雲高由旬半一切地中而悉降
 雨今時人者威德減少大力勢龍不
 生尊仰是故今時乘雲能起半俱盧
 舍天中降雨由此因故其事如是
 又問何因或時天中不降其雨答有
 八種因天不降雨何等為八
 一者合降雨時電光閃爍大雲振吼
 四方冷風飄揚吹鼓占候之人不能
 明了但自說言天將降雨或復大地
 火界增勇即以此緣天雨隱息如是
 乃名第一種因天不降雨
 二者合降雨時電光閃爍大雲振吼

施設論卷第七 第七 定字

四方冷風飄揚吹鼓占候之人不能
 明了但自說言天將降雨或復空中
 猛風吹鼓乃使其雨墮彼遼迥曠野
 空舍如是乃名第二種因天不降雨
 三者合降雨時電光閃爍大雲振吼
 四方冷風飄揚吹鼓占候之人不能明
 了但自說言天將降雨或復羅睺阿
 修羅王二手執障使雨墮於大海之
 中如是乃名第三種因天不降雨
 四者合降雨時電光閃爍大雲振吼
 四方冷風飄揚吹鼓占候之人不能
 明了但自說言天將降雨或復行雨
 天官迷醉放逸以放逸故不能降雨
 如是乃名第四種因天不降雨
 五者合降雨時電光閃爍大雲振吼
 四方冷風飄揚吹鼓占候之人不能
 明了但自說言天將降雨或復人民
 多行非法險惡之行以行非法險惡
 行故天不降雨如是乃名第五種因
 天不降雨
 六者合降雨時或有神通天子以彼
 神通威力隨雨分量而悉制止如是
 乃名第六種因天不降雨

施設論卷第七 第八 定字

七者以其人民業障法合如是於此
 界中天不降雨如是乃名第七種因
 天不降雨
 八者或復愆雨澤時精實祈求以彼
 神通威力天子制而不降如是乃名
 第八種因天不降雨
 又問何因能使上天依時降雨答有
 八種因能降天雨何等為八
 一者龍威力故天即降雨
 二者夜叉威力故天即降雨
 三者鳩槃荼威力故天即降雨
 四者天威力故天即降雨
 五者人威力故天即降雨
 六者神通力故天即降雨
 七者法合依時而自降雨
 八者精實祈求天即降雨
 又問何因盛夏熱時及雨際時廣多
 天雨答彼二時者諸龍歡喜以為即
 令自空騰躍適悅而來龍喜悅故於
 彼二時多降天雨或復民行正法修營
 善業善力所資自然二時多降天雨
 又問何因天降雨時結而成滂答二
 方猛風吹歸一聚故降澍時結以成

滯或復人造惡業惡力所資非人動亂如斯相者大無義利由此因故其事如是

又問何因大雨之中而有其雹答二方冷風吹雨一聚成滯墮地地復堅硬下風所吹或時作雪或作猛雨由此因故其事如是

又問何因有電光出答三方猛惡熱風所吹二風相擊故有電光自風而出由此因故其事如是

又問何因雨中有其霹靂振舉答謂以下方有大猛火色狀熾炎即火界增勇火增勇故即風增勇風增勇故有水來去由此因故其事如是

又問何因雲有青色答謂以水界流潤性故

又問何因有黃有赤答謂以火界溫燥性故

又問何因有其白色答謂以諸界和合性故由此應知雲相有其青黃赤白又問何因世間諸味有其苦醋及辛鹹淡答謂以諸界互違害故由此因故其事如是

又問何因有其甘味答謂以諸界和合性故由此因故其事如是

又問何因世諸物中有其麤重及堅硬者答謂以地界堅強性增

又問何因有其軟滑及調適者答謂以水界流潤性增由此因故其事如是

施設論卷第七

校勘記

一 底本，金藏廣勝寺本。

一 一〇一頁上四行第六字「難」，〔磧〕作「難」。

一 一〇一頁中二二行「能往世尊」，〔磧〕、〔南〕、〔徑〕、〔清〕無。

一 一〇二頁上一行首字「因」，〔磧〕、〔南〕、〔徑〕、〔清〕作「對法大論中因」。

一 一〇二頁上一八行「大雲」，〔磧〕、〔南〕、〔徑〕、〔清〕作「大雷」。下至本頁中

一五五行同。

一 一〇二頁上二二行第四字「勇」，〔磧〕、〔南〕、〔徑〕、〔清〕作「涌」。